



古今詞選卷九目

吳江沈時棟焦音

曲游春 二首

春雲怨 一首

綺羅香 二首

永遇樂 五首

二郎神 一首

合歡帶 三首

望梅 一首

解連環 一首

鼓笛慢 一首

尉遲杯 二首

夜飛鵲 一首

望海潮 四首

望湘人 二首

一萼紅 三首



惜黃花慢 一首

綠意 一首

風流子 二十四首

疎影 三首

霜葉飛 一首

透碧霄 一首

洞庭春色 四首

過秦樓 三首

惜餘春慢 一首

古今詞選卷九

吳江沈時棟焦音選

曲游春 清明湖上

施岳

畫舸西泠路。占柳陰花影。芳意如織。小楫衝波。度麴塵扇底。粉香簾隙。岸轉斜陽隔。又過盡別船簫笛。傍斷橋翠繞紅圍。相對半篙晴色。頃刻。千山暮碧。向沽酒樓前。猶繫金勒。乘月歸來。正梨花夜縞。海棠煙幕。院宇明寒食。醉乍醒。一庭春寂。任滿身露濕。東風欲眠未得。

又游西湖

周密

禁苑東風外。颺暖絲晴絮。春思如織。燕約鶯期。惱芳情。偏在翠深紅隙。漠漠香塵隔。沸十里。亂絲叢笛。看畫船盡入西泠。閑却半湖春色。柳陌新煙凝碧。映簾底宮眉。隄上游勒。輕暝籠煙。怕梨雲夢冷。杏香愁冪。歌管酬寒食。奈蜨怨良宵岑寂。正恁醉月搖花。怎生去得。

春雲怨 鐵崖招飲湖中

曹溶

心情似昨。識枕柳蒼底。一囊丘壑。雨洗平蠻碑額。銅

鼓唱歌聲不惡。送客南還。鳳皇山曲。十二雕闌鬪紅藥。鐵石肝腸。龍蛇翰墨。肯負舊時諾。新酥試餅。玻璃薄。更洞庭春色。詞人風味。畫舫沿流汀畔泊。酒語淒然。半入潯陽。夜深絃索。綠髻何如。青衫在此。淚與晚潮竝落。

綺羅香 春雨

史達祖

做冷欺花。將煙困柳。千里偷催春暮。盡日冥迷。愁裏欲飛還住。驚粉重。蛺宿西園。喜泥潤。燕歸南浦。最妨他佳約。風流鈿車不到。杜陵路。沉沉江上望極。還

被春潮晚急。難尋官渡。隱約遙峰。和淚謝孃眉嫵。臨
斷岸新綠生時。是落紅帶愁流處。記當日門掩梨花。
剪燈深夜語。

又
路菜箱

余光耿

簟漾波紋。髻浮鏡彩。小格重重堆砌。南北東西。肩慣
僕夫行李。茅店月曉。勸加餐。柳橋風晚。添殘醉。最堪
憐。玉鱠金螯。江南鄉夢。惱詩思。脂車曾記。那日。多
少。勻椒配豉。紅閨深意。七壓春葱。裝滿却還嫌未。休
論取底。葢方圓。總載盡別離滋味。到天涯。缺歎馮公。

鑰魚方緊閉。

永遇樂

次韻弔青樓

高觀國

淺暈脩蛾。脆痕紅粉。猶記窺戶。香斷奩空。塵生砌冷。
誰喚青鸞舞。春風花信。秋宵月約。歷歷此心曾許。銜
芳恨。千年怨結。玉骨未應成土。木蘭艇子。莫愁何
在。謾繫寒江煙樹。事逐雲沉。情隨珮冷。短夢分今古。
一坏遙夜。孤光難曉。多少碎人腸處。空淒黯。西風細
雨。盡吹淚去。

又

京口北固亭懷古

辛棄疾

千古江山英雄無覓孫仲謀處。舞榭歌臺風流總被
雨打風吹去。斜陽草樹尋常巷陌人道寄奴曾住。想
當年金戈鐵馬氣吞萬里如虎。元嘉草草封狼居
胥贏得倉皇北顧。四十三年望中猶記烽火揚州路。
可堪回首佛狸祠下一片神鴉社鼓。憑誰問廉頗老
矣尚能飯否。

又 京口渡江
用辛稼軒韻

陳維崧

如此江山幾人還記舊爭雄處。北府軍兵南徐壁壘
浪捲前朝去。驚帆蘸水崩濤颭雪不爲愁人少住。歎

永嘉流人無數神傷只有衛虎。臨風太息髯奴獅
子年少功名指顧北拒曹丕南連劉備霸業開東路。
而今何在。一江燈火隱隱揚州戛鼓。吾老矣不知京
口酒堪飲否。

又 度雁
門關

朱彝尊

千里重關憑誰蹋遍。鴈啣蘆處亂水滄沓。層霄冰雪
鳥道連勾注。畫角吹愁黃沙拂面猶有行人來去。問
長途斜陽瘦馬。又穿入離亭樹。猿臂將軍鴉兒節
度說盡英雄難據。竊國真王論功醉尉。世事都如許。

有限春衣無多山店。酹酒徒成虛語。垂楊老。東風不
管。雨絲煙絮。

又 和澹心

吳綺

韻海書成。亭臯詠罷。有人於此。公事湖中。口牀月下。
兼署鶯花使。白頭有分。青編無據。中夜壯心頻起。賴
相看風塵慰藉。尚有鴻妻霸子。鄞山喬木。隋隄芳
草。何處燕巢鳩壘。半百將過。五千徒讀。莫辨臧三耳。
謝公功業。杜郎詞賦。付與春婆夢裏。念華峰懶殘煨
芋。急流將已。

二郎神

徐伸

悶來彈鵲。又攪碎一簾花影。謾試着春衫。還思纖手。
熏徹金猊燼冷。動是愁端如何向。但怪得新來多病。
嗟舊日沈腰。而今潘鬢。怎堪臨鏡。重省。別時淚漬。
羅襟猶凝。料為我厭厭日高慵起。長託春醒未醒。鴈
足不來。馬蹄難去。門掩一庭芳景。空竚立。盡日闌干
倚遍。晝長人靜。

合歡帶

周澹園納
姬揚州

王士祿

擅江東公瑾風流。况綺麗。更揚州。喜得龍門人未腐。

買清娛且伴遨遊。個儂還有黃華妙腕。絳樹清喉。倩明珠十斛。貯將金屋。移入瓊樓。惟燈照怯。窓日憐羞。妝成倦倚香篝。不為筵前矜顧。曲笑郎君底。費回眸。雙飛好去。華清側畔。繡嶺前頭。待他年學誓長生。同看織女牽牛。

澹園以文禍幾不測故云龍門未腐家臨潼故云華清繡嶺

又 花燭

鄒祇謨

聽簫聲初下瑤京。燭影裏望雙成。黛隱猶疑山遠近。畫眉郎已到紅亭。迢迢銀漏。香塵暗度。繡榻微明。待來朝細覩。綠鬢兩膩。絳靨霞清。髮垂玉導。肩躡珠

纓。須知最小盈盈。按得綺魂搖颺處。夢雲透微帳吹輕。今朝恰是初開百歲滿。合三生。看鴛鴦小閣燈花。何如書幌。蒸青。

又 為吳陵宮掌雷賦催妝詞

陳維崧

羨緋羅燭吐銀墻。燈影背響鳴璫。夾路如花還似霧。戟門前步步荀香。劇憐春夜。花融錦瑟。月亞金堂。況畫眉夫婿。清河小弟。杜曲諸郎。紗籠徐引。繡幙斜張。藍橋搗就。玄霜瓊島。仙花偏竝蒂。珠囊畔一朶笙囊。朝來更喜。五銖裙細。百子釵長。問傍人宜稱何如。

生憎喚作宮妝。

望梅

王沂孫

畫闌人寂。喜輕盈照水。犯寒先拆。裊數枝雲縷。鮫綃露淺淺。塗黃漢宮嬌額。剪玉裁冰。已占斷江南春色。恨風前素艷。雪裏暗香。偶成拋擲。如今眼穿故國。待拈花弄藥。時話思憶。想隴頭依約飄零。甚千里芳心。杳無消息。粉怯珠愁。又只恐吹殘。羗笛。正斜飛半窓曉月。夢回隴驛。

解連環

柳

高觀國

露條煙葉。惹長亭舊恨。幾番風月。愛細縷先窳輕黃。漸拂水藏鴉。翠陰相接。纖軟風流。睂黛淺三眠初歇。奈年華又晚。縈絆游蜂。絮飛晴雪。依依灞橋怨別。正千絲萬緒。難禁愁絕。悵歲久應長新條。念曾繫花驄。屢停蘭楫。弄影搖晴。恨閑損春風時節。隔郵亭。故人望斷。舞腰瘦怯。

鼓笛慢

秦觀

亂花叢裏曾攜手。窮艷景。迷歡賞。到如今。誰把雕鞍鎖定。阻游人來往。好夢隨春遠。從前事。不堪思想。念

香閨正杳。佳歡未偶。難留戀。空惆悵。永夜嬋娟未
滿。歎玉樓幾時重上。那堪萬里。却尋歸路。指陽關孤
唱。苦恨東流水。桃源路。欲回雙槳。仗何人細與叮嚀
問呵。我如今怎向。

尉遲盃

蔡松年

紫雲暖。恨翠雛珠樹。雙棲晚。小花靜院相逢的。的風
流心眼。紅潮照玉盃。午香重。草綠宮羅淡。喜銀屏小
語私分。麝月春心一點。華年共有。好願何時定。妝
鬟暮雨零亂。夢似花飛。人歸月冷。一夜小山新怨。劉
郎與尋常不淺。况不似桃花春溪遠。覺情隨曉馬東
風。病酒餘香相半。

又書悶

沈永啟

常私哂。羲娥逐轡到何時。盡漫催傀儡。乾坤陡若江
濤亂滾。煙霞堪蹈。恐走遍青山難覓隱。問劉伶僵臥
糟丘。可銷鑠胸中憤。咄哉奚必沉吟。憑誰把濁醪。
痛澆方寸。任雨暗風狂。相闕且。報道醉鄉頽困。沒來
歷靈均獨醒。便吟煞江臯。着甚緊。但更防醉後無聊。
還頻將袖兒搵。

夜飛鵲

周邦彥

河橋送人處。良夜何其。斜月遠墮餘輝。銅盤燭淚已
流盡。霏霏涼露沾衣。相將散離會處。探風前津鼓。樹
杪參旗。花驄會意。縱揚鞭亦自行遲。迢遞路迴清
野。人語漸無聞。空帶愁歸。何意重經前地。遺鈿不見。
斜徑都迷。兔葵燕麥。向斜陽影與人齊。但徘徊班草。
欵欵酌酒。極望天西。

望海潮

高麗
贈妓

趙可

雲垂餘髮。霞拖廣袂。人間自有飛瓊。二館俊游。百街

高選。翩翩老阮才名。銀漢會雙星。尚相看脉脉。似隔
盈盈。醉玉添春。夢雲同夜。惜卿卿。離觴草草同傾。
記靈犀舊曲。曉枕餘醒。海外九州。郵亭一別。此生未
卜他生。江上數峰青。悵斷雲殘雨。不見高城。二月遼
陽芳草。千里路傍情。

又 感舊

鄒登巖

暖風遲日。細侯門第。騎羊弄玉曾游。金雀雙鬟。文犀
斜領。綠窓齊上簾鉤。多半響篴篥。記烏絲醉染。付與
纏頭。側帽簪花。誰儂能道不風流。十年一覺揚州。

漸蠟珠成淚。繭粟添愁。舊燕猶存。畫闌人去。桐花空
挂妝樓。暝色不勝秋。歎心香錦字。零落誰收。選勝尋
踪。前題還在短牆不。音浮

又感春

龔鼎孳

江山如此。年華依舊。分明又度春宵。銀鴨吐香。蓮銅
滴月。朱闌瘦拂長條。閒倚玉屏腰。見鬢雲送懶。羅襪
藏嬌。怕被花窺。一天風露近藍橋。幽情慣是無聊。
記青綾寵愛。紅研丰標。隋苑鶯殘。吳宮月冷。蒼茫昨
日今朝。清夢轉迢迢。望碧天草色。煙雨淒遙。無計留

春。淚絲偷印美人蕉。

又廣陵懷古

余懷

邗溝波浪。竹西歌吹。二分無賴揚州。水漲雷塘。草荒
螢苑。春風廿四橋頭。天子號無愁。到玉鈎斜畔。拂拭
吳鈎。杜牧三生。空傳薄倖在青樓。江南江北閒游。
正當鑪貫酒。攬鏡披裘。一片雄心。千年劫火。珠簾漫
捲風流。王氣黯然收。看蜀岡飛翠。曲港環湫。滿目殘
煙衰草。腸斷廣陵秋。

望湘人茉莉

沈永禔

漸黃昏近也。淡月簾櫳。香膏百斛無價。寶合分酥。瓊
甌護粉。不放等閒開謝。指印尖纖。汗潮融溜。薄紗厨
下。正寂寥。簾展湘紋。冷浸一簾冰麝。堪掬清芬。盈
把。想斜簪晚髻。玉釵光亞。洗瘴雨。蠻煙占斷。嫩涼亭
榭。因記舊約題封巾帕。多少剪燈低話。但曉來枕畔
端相。莫忘昨宵嬌姹。

又

鄭瑚山席上戲
爲行酒者贈

曹溶

看書魚數拂。香鴨斜籠。添來一種心緒。欲喚口牀泥
他同坐。又怕春風有主。巾幘慚多。鏡奩綠盡。寄情惟

汝笑江州司馬。纏綿錯爲琵琶留語。重記長安飲
伴。蚤落拓歸裝。江干倦旅。揅此夕停眠。消受深更紅
炬。迴新影似隔簾金縷。誰慣着人如許。空宛轉堂上
傳杯。天也廉纖寒雨。

一萼紅

登蓬萊
閣有感

周密

步深幽。正雲黃天淡。雪意未全休。鑑曲寒沙。茂林煙
草。俛仰今古悠悠。歲華晚。漂零漸遠。誰念我同載五
湖舟。磴古松斜。厓陰苔老。一片清愁。回首天涯歸
夢。幾魂飛西浦。淚灑東州。故國山川。故園心眼。還似

古今詩選
王粲登樓最負他。秦鬟妝鏡好江山。何事此時游。爲
喚狂吟老監。共賦銷憂。閣在紹興西浦。東州皆其地。

又 和玉霄
感舊

尹濟翁

玉搔頭。是何人敲折。應爲節奏。秦謳。斐几朱絃。剪燈雪
藕。幾回數盡。更籌。草草又一番春夢。夢覺了。風雨楚
江秋。却恨閑身。不如鴻鴈。飛過妝樓。又是水枯山
瘦。歎迴腸難貯。萬斛新愁。懶復能歌。那堪對酒。物華
冉冉都休。江上柳千絲。萬縷。惱亂人。更忍凝眸。猶怕
月來弄影。莫上簾鉤。

又 癸丑
除夕

陳維崧

響銅籤。許多年舊事。和恨壓眉尖。記得當初。後堂弟
妹。團團圍定紅簾。飲盡了屠蘇。千盞。搗畫鼓。憨笑賭
黃柑。十里春城。金蛾暗撲。火鳳交啣。自後也逢除
夕。歎此生長是。弟北兄南。第宅俱非。顛毛都換。每因
令節生嫌。只萬點官橋夜火。被風吹零。亂映疎簷。羨
殺鄰家歲酒。隔巷春衫。

惜黃花慢

詠晚菊 用
吳夢窗韻

鄒祗謨

月珮煙裳。伴紗窓。猶識半面徐孃。翠華嘉節。來遲洛

浦紫雲新苑。寵殿昭陽。芳妍不逐秋風嫁。塗嬌暈自
整慵妝。老是鄉。蘭膏照徹。倒盡瑤觴。亭亭傲雨欺
霜。更艷凌楓赤。秀奪松黃。避風臺上。欲隨風舞。辟寒
帳畔。偏透寒香。消魂簾捲。人爭瘦。阿嬌去。金屋悲涼。
莫斷腸。花神獨許清狂。
詠菊詩李嶠榮舒洛媛浦香汎野人杯李
商隱紫雲新苑移花處松黃即松花也

綠意

荷花

無名氏

碧圓自潔。向淺洲遠浦。亭亭清絕。猶有遺簪。不展秋
心。能卷幾多炎熱。鴛鴦密語。同傾蓋。且莫與浣紗人
說。怨歌忽斷。花風碎。却翠雲千疊。回首當年漢舞。
怕飛去。謾縹留仙裙褶。戀戀青衫。猶染枯香。還笑髣
絲飄雪。盤心清露如鉛水。又一夜西風聽折。喜淨看
匹練秋光。倒瀉半湖明月。

風流子

史達祖

紅樓橫落日。蕭郎去。幾度碧雲飛。記窓眼。遞香玉。臺
妝罷。馬蹄敲月。沙路人歸。如今但。一鶯通信息。雙燕
說相思。入耳舊歌。怕聽金縷。斷腸新句。羞染烏絲。
相逢南溪上。桃花嫩。嬌樣淺淡羅衣。恰是怨深腮赤。
愁重聲遲。悵東風。巷陌草迷春恨。軟塵庭戶。花悞幽

古今詩選 卷九
期多少寄來芳字。都待還伊。

又 初春

秦觀

東風吹碧草。年華換。行客老滄洲。見梅吐舊英。柳搖新綠。惱人春色。還上枝頭。寸心亂。北隨雲黯黯。東逐水悠悠。斜日半山。暝煙兩岸。數聲橫笛。一葉扁舟。青門同攜手。前歡記。渾似夢裏揚州。誰念斷腸南陌。回首西樓。算天長地久。有時有盡。奈何綿綿。此恨無休。擬待倩人說與。生怕伊愁。

又

李肩吾

雙燕立虹梁。東風外。煙雨濕流光。望芳草雲連。怕經南浦。葡萄波漲。怎博西涼。空記省。殘妝眉暈。斂。宵袖唾痕香。春滿綺羅。小鶯捎蝶。夜留絃索。么鳳求皇。江湖飄零久。頻回首。無奈觸緒難忘。誰信溫柔牢落。翻墮愁鄉。使玉牋銅爵。花間陶寫。瑤釵金鏡。月底平章。十二主家樓苑。應念蕭郎。

又 驪山詞

無名氏

三郎年少客。風流夢。繡嶺蠹瑤環。漸嬌汗發香。海棠睡煖。笑波生媚。荔子漿寒。况此際。曲江人不見。偃月

事無端。羯鼓三聲。打開蜀道霓裳一曲。舞破潼關。
馬嵬西去路。愁來無會處。淚滿關山。空有羅囊遺恨。
錦襪傳看。歎玉笛聲沉。樓頭月下。金釵信杳。天上人
間。幾度秋風渭水。落葉長安。

又感舊

吳激

書劍憶游梁。當時事。底處不堪傷。望蘭楫嫩漪。向吳
南浦。杏花微雨。窺宋東牆。鳳城外。燕隨青步障。絲惹
紫游韁。曲水古今。禁煙前後。暮雲樓閣。芳草池塘。
回首斷人腸。流年如去電。雙鬢如霜。欲遣從來遺恨。

頻近清觴。聽出塞琵琶。風沙浙瀝。寄書鴻雁。煙月微
茫。不似海門潮信。猶到潯陽。

又對瑟
妓

張翥

梨園供奉曲。卿卿解。寫入十三絃。聽促彈寶柱。暮催
行雨。放嬌銀甲。春繞飛煙。可人處。鳳聲啼玉碎。燕尾
點波圓。宜與畫看。微容妍麗。欲裁詩寄。鶯思纏綿。
多情曾相遇。歸舟字。夢裏尚記游仙。好倩鈿牀纖手。
移近樽前。儘何處教吹玉簫明月。此情追憶。錦瑟華
年。多少舊愁新恨。知爲誰傳。

又美人

沈際飛

對洛陽春色。排天錦。爭似曉妝標。看微注檀痕。悄藏心事。淺簪花朵。徐放蕭騷鏡奩掩。玉纖和露洗。金釧帶風敲。卯酒易醒。漫鬆蟬翼。午茶猶困。輕展鮫綃。溜波窺艷蝶。扇羅頻撲處。苔印弓凹。別有煖香幽送。冷句深挑。况翻新低唱。貝餘白糝。奏奇小舞。星隱紅潮。拂地綠絲垂也。難學纖腰。

又社集天慶寺送春和舒章韻

龔鼎孳

柔絲牽不住。眉尖小。一蹙又斜陽。問紅雨灑愁。幾番

離別。綠蘋漾恨。何代蒼茫。子規說麝迷青塚。月珠墮馬嵬。妝苔臥錦錢。橫拋芳影。燕衝簾蒜。偷覩柔腸。前歡真如夢。流鶯嬾。風日枉媚銀塘。擔閣背花心性。淚不成行。歎樓空杜牧。濃陰乍滿。人分結綺。落粉猶香。拈合一春滋味。彈出伊涼。

又醉中作

尤侗

吾生祈一夢。將進酒。結客少年場。願貴比五官。芙蓉車蓋。艷齊三婦。玳瑁釵梁。封侯事。建牙刑白馬。挽箭射黃鷹。鏡吹歸來。角巾辭去。拍肩泰華。濯足滄浪。

古今詩選 卷九
醒來都不是。看衣鷄馬狗。兩鬢秋霜。贏得一官孤竹。
三徑柴桑。只宋玉招魂。偶逢神女。相如草賦。曾視君王。
且向樽前醉也。長短歌行。

又 幽情

陳世祥

相逢攜手覩。今何夕。仔細問卿卿。是綵繒能真。畫中
形現。蘅蕪在握。夢裏逢迎。重攜手。移燈端。翠鈿促膝。
鞞香纓。一尺柳絲。瘦來有幾。兩痕山影。淡了還曾。

別時渾似醉。愁中意。今宵此際纔醒。當日心煙對裊。
目語雙成。謝天公判斷。幽歡許結。花神擁護。癡想教

靈。多少相思證據。說與星星。

又 憶兒

香風吹欲去。都應是。憨態玉難支。記嬌要倚人。兩鬢
低處笑。佯看影。半步回時。魂銷盡。痕脂蘭襲襲。束素
柳絲絲。歌到有情。裙鬆多少。舞餘無力。鞋褪些兒。
幾回新聲度。夏星眸私注。隱約微詞。愁殺司空常見。
輕簡芳姿。誰攜來繡幙。爐煙護者。貯將金屋。詩卷酬
之。只怕書生分薄。端又參差。

又 村居

黃 永

古今詩選 卷九
梅花村野裏。三間屋。一帶短籬遮。見杜老堂成滿。堦
馴雀。蔣生逕啟。幾樹藏鴉。夏兼有。松間堪抱膝。柳下
好停車。有客來時。三杯桑落。無人到處。一徑桐華。
道先生隱者。好裁成。芟服買就漁艫。夏覺神清秋水。
骨秀煙霞。任世上浮沉。風飄耳畔。人間得失。絮落天
涯。笑指華胥古道。這是儂家。

又 初夏

董以寧

已將春餞去。堪悲是錦片。近來稀。但朱戶長開。候他
紫燕。綠陰微缺。補得黃鸝。新添個。迎衫新暑淺。入苑

細風遲。茉莉初來。已懷香孕。芙蓉欲嫁。先製新衣。
此時長日裏。笑主人避暖。不解圍碁。有客頻來剥啄。
童子還辭。只閒品唐詩。盛中晚句。自斟魯酒。一兩三
卮。翻怪早蟬。饒舌不合時宜。

又 南徐春暮程崑崙別駕招
飲南郊園亭同諸友賦

陳維崧

來時寒食近。且近耳。詎料竟殘春。正僕本多愁。何妨
作達官。如不醉。遮莫傷神。見此際。酒旗斜喚客。榆葉
弱縈人。燕子風前。是何言語。柳條煙裏。別樣腰身。
名園行樂處。追歡笑。何限寶馬香輪。况遇風流刺史。

古今詩選 卷九
蕭灑遺民。奈東望蔣川。春潮拍拍。北來瓜渚。暮雨紛紛。還怕當歌對酒。忽又沾巾。

又

泊舟譙郡贈新安汪公六言

桃花潭上水深千尺。不抵似汪倫。正留客西園。紅燈翠幙。送余南浦。淡月微雲。依稀記賞花。敲畫鼓。紉酒喚羅裙。贈到葳蕤。休教鎖恨。貽來螺墨。莫便磨人。

南譙繁華地。重經過。一片野渡斜曛。剩下紅橋舊巷。黃葉前村。想千年李樹。仙游已邈。三分吉利。霸業俱陳。且自佯狂作達。何事消魂。

前段贈到四語。因公言有青鎖名墨之贈。故云。老子曹瞞俱毫邑。

人故有想
千年四語

又

西湖

吳綺

西湖兒女地。長隄畔。銷盡古今魂。看兩嶺送青雲。偷眉色。重波皺碧。水學羅紋。更誰處。鶯啼曲玉管。蝶舞鬱金裙。蘭葉舫頭。翠觴涼月。柳絲樓上。紅袖斜曛。忽風吹塵世。再來處。已是路阻漁人。空記尋香梅市。索笑桃門。歎霜高木瘦。鄂王祠廟。渚寒花謝。蘇小鄉鄰。幾度斷橋佇立。惆悵黃昏。

又

和秦留仙

嚴繩孫

荀郎多恨後。魂銷盡。依約見傾城。正梅粉乍舒。舊家門巷。柳絲斜鞦。別樣才情。更幾度。玉釵寒撥火。銀甲夜調箏。斗帳珠瑩。檀心偷展。鳳燈香炮。花睡難成。無端歸去也。人何處。夢裏應喚卿卿。空記鷺兒酒煖。杏子衫清。怕油壁西陵。雨僝風僽。美人南國。綠怨紅驚。為待蘭舟催發。重聽流鶯。

又 村居

鄒祇謨

村居三畝地。東風暖。無數暗陰遮。見綠草方塘。些些睡鴨。白楊廢圃。點點歸鴉。况墻外。老藤方掛樹。苦笋正抽芽。宜夏宜冬。幾間茅屋。半村半郭。一帶人家。主人無個事。正蕘甌酌酒。瓦甌煎茶。更課樵青數輩。自捕魚蝦。看拍手羣兒。爭驅黃犢。垂鬟小女。笑插紅花。只此閒中日月。暗度年華。

又

秋盡友人邀獵

成德

平原草枯矣。重陽後。黃葉樹騷騷。記玉勒青絲。落花時節。曾逢拾翠。忽聽吹簫。今來是。燒痕殘碧盡。霜影亂紅凋。秋水映空。寒煙如織。阜雕飛處。天慘雲高。人生須行樂。君知否。容易兩鬢蕭蕭。自與東風作別。

古今詩選 卷九
刻地無聊。算功名何許。此身博得。短衣射虎。沽酒西
郊。便向夕陽影裏。倚馬揮毫。

又 寄憶

周 銘

篝燈扶夢去。沉沉雨。路阻舊紅樓。憶鷄舌烟中。蝶迷
綠綺。蝦鬚影裏。人倦篋篋。誰能負情黏翡翠帳。魂繫
木蘭舟。玉頰粉消。愁潮易湧。星眸泪溢。恨雨難收。

無端成遠別。怎禁得。相思動便三秋。欲寄雲中錦字。
怕疊離愁。悵鳳鸞深誓。尚羈眼下。鴛鴦小牒。時挂心
頭。合辨低情軟性。來殉溫柔。
隋文帝為蔡容華
作瀟湘綠綺窓

又 寄張
登子

曹 溶

芳隄春絮老。今張緒。只與六朝同。悵遠山不絕。乍迷
屐齒。隔江相望。如在簾櫳。送行後。歌場銷舊翠。浣女
泣新紅。陶令素琴。晚風空裊。柳家長句。殘月難工。
南華亭臺好。娛清晷。屏際寶鴨香濃。偏是梅天多雨。
常阻郵筒。想三影詞成。銀箏斜抱。四愁懷切。玉案輕
籠。無限斷腸滋味。分付杯中。

又 集葡萄幕酒半有手藉
一枝索題者歌以侑之

沈爾燦

網軒當暑退。娟娟影。為爾足留連。記大宛移來。貳師

古今詩選 卷九
三
蹀躞上林分種。陸海芊綿。看承處。惜香仙袂舉。疎蔭
女牆偏。葉底含生。綠珠低粉。鳥啼初熟。紫玉成煙。
鳳城相遇晚。正一襟涼思。駮耳梯傳。儘令御梨分脆。
崖蜜輸圓。恰章臺喚醒。哀凝花唾。文園消渴。筆涌詞
源。蚤被鶯聲偷取。串落燈前。

又

送春同
芝麓

李雯

誰教春去也。人間恨。何處問斜陽。見花褪殘紅。鶯捎
濃綠。思量往事。塵海茫茫。芳心謝。錦梭停。舊織麝月
嬾新妝。杜宇數聲。尚餘驚夢。碧闌三尺。空倚愁腸。

東君拋人易。回頭處。猶是昔日池塘。留下長楊紫陌。
付與誰行。想折柳聲中。吹來不盡。落花影裏。舞去還
香。難把一樽輕送。多少暄涼。

又

春艷
疊韻

沈時棟

鍾情難再遇。蒙窺宋。欲報意先蘇。想眉月雙鈎。倚風
無力。鬢雲半鞞。新雨初過。抱恨處。瑟琴膠玉柱。烏兔
織金梭。莊蝶不來。漫驚短夢。錦鱗辜望。應阻重波。
文君諧今夕。頻攜手。知是瘦縮春羅。真個韻標寒雪。
香沁柔酥。奈花影暗移。流光不駐。酒腸越窄。鬼病誰

扶。却怪遣愁偏到。伊道因何。

疎影

芭蕉

成德

湘簾捲處。甚離披翠影。繞簷遮住。小立吹裾。曾伴春
慵。掩映繡牀金縷。芳心一束。渾難展。清淚裊隔年愁
聚。到夜深。細聽空階。雨滴夢回無據。正是秋來寂
寞。偏聲聲點點。助人離緒。纈被寒生。宿酒全消。攪碎
亂蛩雙杵。西風落盡梧桐葉。還賸得綠陰如許。想玉
人和露折來。曾寫斷腸詩句。

又

芭蕉

朱彝尊

是誰種汝。把綠天一片。簷牙遮住。欲折翻連。乍捲還
抽。有得愁心如許。秋來慣與羈人伴。惹多少冷風淒
雨。那更堪一點疎燈。繞砌暗蟲交訴。待把蛛絲拭
却。試今朝留與。個人題句。小院誰來。依舊黃昏。明月
暫飛還去。羅衾夢斷三更後。又一葉一聲低語。揀今
生盡剪秋陰。移種櫻桃花樹。

又

芭蕉 疊江湖
載酒集原韻

沈時棟

無端怨汝。攪秋聲萬斛。耳根縈住。浙浙淒淒音。襲襲寒
風。驚斷羈魂何許。迷離翠影罩空階。慣消受淡煙疎

雨。傍朱闌。最怕黃昏。偏把客愁傾訴。欲比班姬。統
扇倩生花。窈管泣題新句。露冷幽窓。月射疎櫺。空翠
拂墻來去。夜深蛩絮太分明。似向恁個儂私語。碾芳
心一束千重。恰又靈空無樹。

霜葉飛

題若善兄
祝髮圖

沈宜脩

悶懷難表。西風弄愁人踪跡。顛倒笑。揅華髮付淒涼。
露泣芙蓉老。夢破柳煙。蝴蝶曉。沉吟擲鏡。寒煙掃。世
事總休休。但倩取幽窓月影。夜半留照。憔悴動處
非狂。愁時非醉。畫裏人應知道。遶崖黃葉正紛紛。好
共哀猿嘯。落葉楚江君莫惱。芳洲處處悲秋草。自有
閒雲飛伴。松月山空。桂叢煙渺。

透碧霄

同阮亭飲吳陵宮
紫懸先輩小西湖

鄒祇謨

飲金舟。人生何處可言愁。氣清天朗。蘭亭梓澤。好向
遲留。碧波數頃。綠陰千樹。風景如秋。對雙雙鷓鴣。沉
浮。又橋迴路轉。藥闌映石。漁艇隨流。况使君文采。
角巾短屐。鶴蓋任颺悠。且一飲千杯。隔林蟬唱晚風
柔。篔絃絲竹。左徒芳圃。中散良游。念西陵何似吳州。
把六橋花柳。三竺雲煙。長憶秦樓。

文選紛颺悠以容曳指旌旗
之狀 秦州一名吳州 秦

樓在西
湖濱

洞庭春色

程垓

錦字親裁。淚巾偷裛。細說舊時。記笑桃門巷。妝窺寶
靨。弄花庭榭。香濕羅衣。幾度相隨游冶去。任月細風
尖。猶未歸。多少事。有垂楊眼見。紅燭心知。如今事
都過也。但贏得雙鬢成絲。歎半妝紅豆。相思有分。兩
分青鏡。重合難期。惆悵一春飛絮夢。恁悠颺。教人分
付誰。銷魂處。又梨花雨暗。半掩重扉。

又

甲辰除夕懷西樵
司勳阮亭主客

陳維崧

歸去來兮。鬪雞走狗。閭巷沉浮。歎臣之壯也。如人何
事。身將隱矣。于世焉求。四十男兒。悲老大。笑那便車
前少八騶。填胸事。看人奴笞罵。一半封侯。回首風
塵萍梗。怪年來長傍迷樓。記廣陵風景。青山綠水。瑯
琊兄弟。長史司州。名士終朝能妄語。更頭沒杯中笑
不休。紅燭夜。對故園椒酒。想爾風流。

又

顧貞觀

粉堞烏啼。紅橋鴈齒。昔日亭臺。記墜釵聲裏。頻呼小
玉。鈎簾影畔。手摘青梅。感絕多情雙燕語。道三歲棲

香人未回。心期在。怕尋春較晚。著意相催。無端綠
陰盡也。都不待杜牧重來。只淒涼繡榻。茶煙空颺。糝
糊鏡檻。蠟淚成堆。一種幽情。春草句。看夢覺池塘有
劫灰。難忘處。向西南枝下。手繫斑駁。

又

偶檢亡姪憬疏
小詞愴焉有感

葉舒璐

憶數年前。惟吾與爾。長共相羊。正烏衣游徧。香霏瓊
塵。紅楸賭罷。佩解羅囊。幾番蹋臂。春風裏。有桃李花
開夜未央。誰信道。是苔封竹外。草宿池旁。回首山
河已邈。忍重看。斷墨零章。歎叔真癡絕。猶耽品令。兒

偏佳甚也。愛歌行。曉風吹散屯田句。怪鸚鵡仍呼舊
七郎。傷心也似一聲鄰笛。喚起茫茫。

屯田小字七郎
憬疏行七故云

過秦樓

詠柳

張景脩

嫩水接藍。遙隄影翠。半雨半煙橋畔。鳴禽弄舌。夢草
縈心。偏稱謝家池館。紅粉墻頭。步搖金縷。纖柔舞腰
低軟。被和風搭在闌干。終日畫簾高捲。春易老。細
葉舒眉。輕花吐絮。漸覺綠陰成幔。章臺繫馬。灞水維
舟。誰念鳳城人遠。惆悵故國陽關。杯酒飄零。惹人腸
斷。恨青青客舍。江頭風笛。亂雲空晚。

又

追春 用吳脩蟾餞春韻

龔鼎孳

綠幃縫愁。紅泥埋恨。盡是東風花草。晴翻麥雉。雨鬧
桑鳩。誰記畫樓鶯曉。當日株移。永豐三楚。腰肢入宮
纖小。到如今香雪飄零。何處玉驄稀少。看不上明
月無情。鳳簫金管。冷覩黃昏新惱。胭脂井畔。燕子樓
頭。一片粉灰珠掃。青帝拋人。幾時潘鬢沈圍。年年空
老。尚癡心春在平蕪。夾取亂峰遮繞。

又

汴城晚眺

陳維崧

暮色傷心。重關極目。泔泔黃河之水。候羸館老。朱亥
塋高。直得英雄心死。城頭戍火。馬上征笳。何苦愁人
如是。最堪憐千里。崩緜牢落。方當盛齒。細數他趙
宋繁華。宣和節物。此事幾年矣。宜春燈燭。盪屋簫
笙。多少六街三市。有恨秋槐。無情社燕。換過幾番人
世。只空留廣武滎陽。一片驚濤剩壘。

惜餘春慢

重閱葉蕙綢表姊遺藁

沈永啟

鏤管冰生。臨牋翠起。從古名姝不到。魂銷夜月。淚染
春花。滿幅睡痕殘照。乍展還尋艷句。覽至中篇。頓成
猿嘯。遍江山覓不出知音侶。請君休道。慚愧我天

古今詞選
卷九
付愁腸。朗吟再四。驀地低徊。痛倒溫柔骨性。慷慨襟期。品行誰人分曉。常自忘懷。奮袂笑破乾坤。踏平蓬島。漫回頭。鸞影妝梳。竟在鳳樓空老。

古今詞選卷九終

古今詞選卷十目

吳江沈時棟焦音選

沁園春

五十二首

古今詞選卷十

吳江沈時棟焦音選

沁園春 帶湖新居

辛棄疾

三徑初成。鶴怨猿驚。稼軒未來。甚雲山自許。平生意氣。衣冠人笑。抵死塵埃。意倦須還。身閑貴早。豈為尊羹。鱸膾哉。秋江上。看驚弦鴈避。駭浪船回。東岡夏葺茅齋。好都把軒窓臨水開。要小舟行釣。先應種柳。疎籬護竹。莫礙觀梅。秋菊堪餐。春蘭可佩。留待先生手自栽。沉吟久。怕君恩未許。此意徘徊。

又 靈山齊菴賦時
築偃湖未成

疊嶂西馳。萬馬回旋。衆山欲東。正驚湍直下。跳珠倒
濺。小橋橫截。缺月初弓。老合投閒。天教多事。檢校長
身十萬松。吾廬小。在龍蛇影外。風雨聲中。爭先見
面重重。看爽氣朝來三四峰。似謝家子弟。衣冠磊落。
相如庭戶。車騎雍容。我覺其間。雄深雅健。如對文章
太史公。新隄路。問偃湖何日。煙水濛濛。

又 弄溪
賦

有酒忘杯。有筆忘詩。弄溪奈何。看縱橫斗轉。龍蛇起
陸崩騰。決去。雪練傾河。嫋嫋東風。悠悠倒影。搖動雲
山水。又波。還知否。欠菖蒲攢港。綠竹緣陂。長松誰
剪。差峩笑野老。來耘山上禾。算只因魚鳥。天然自樂。
非關風月。閒處偏多。芳草春深。佳人日暮。濯髮滄浪
獨浩歌。徘徊久。問人間誰似。老子婆娑。

又 期思
卜築

一水西來。千丈晴虹。十里翠屏。喜草堂經歲。重來杜
老。斜川好景。不負淵明。老鶴高飛。一枝移宿。長笑蝸
牛戴屋行。平章了。待十分佳處。著個茅亭。青山意

古今詩選 卷一
氣崢嶸。似爲我歸來。媿生解頻教花鳥。前歌後舞。
更催雲水暮。送朝迎。酒聖詩豪。可能無勢。我乃而今
駕馭卿。清溪上。被山靈却笑。白髮歸耕。

又 將止酒戒酒
杯使勿近

孟汝前來。老子今朝。點檢形骸。甚長年抱渴。咽如焦
釜。于今喜溢。氣似奔雷。漫說劉伶。古今達者。醉後何
妨死。便埋。渾如許。歎汝于知己。真少恩哉。更憑歌
舞爲媒。算合作人間。鴆毒猜。况疾無小大。生於所愛。
物無美惡。過則爲災。與汝成言。勿留亟退。吾力猶能

肆汝杯。杯再拜。道麾之即去。有召須來。

又

陸游

一別秦樓。轉眼新春。又近放燈。憶盈盈倩笑。纖柔
握。雪香花語。玉暖酥凝。念遠愁腸。傷春病思。自怪平
生殊未曾。君知否。漸香消蜀錦。淚漬吳綾。難求繫
日長繩。况倦客飄零。少舊朋。但江郊鴈起。漁村笛遠。
寒缸委燼。孤硯生冰。水繞山圍。煙昏雲慘。縱有高臺
常怯登。消魂處。是魚箋不到。蘭夢無憑。

又 美人
足

劉過

洛浦凌波。爲誰微步。輕生暗塵。記踏花芳徑。亂紅不
損。步苔幽砌。嫩綠無痕。襯玉羅慳。銷金樣窄。載不起
盈盈一段春。嬉游倦。笑教人款捻。微褪些跟。有時
自度歌勺。悄不覺微尖點。拍頻憶金蓮。移換文鴛得
侶。繡茵催袞。舞鳳輕分。懊恨深遮。牽情半露。出沒風
前。煙縷裙。知何似。似一鈎新月。淺碧籠雲。

又美人
指甲

銷薄春冰。碾輕寒玉。漸長漸彎。見鳳鞋泥污。俚人強
剔。龍涎香斷。撥火輕翻。學撫瑤琴。時時欲剪。更掬水

魚鱗波底寒。纖柔處。試摘花香滿。鏤棗成斑。時將
粉淚偷彈。記綰玉曾教柳傅看。算恩情相著。搔便玉
體。歸期暗數。劃遍闌干。每到相思。沉吟靜處。斜倚朱
唇皓齒間。風流甚。把仙郎暗指。莫放春閑。

又寄辛
稼軒

斗酒彘肩。風雨渡江。豈不快哉。被香山居士。約林和
靖。與坡仙等。勒駕予回。坡謂西湖。正如西子。淡妝濃
抹。臨照臺。二公者。皆掉頭不顧。只恁傳杯。白雲天
竺去來。看金碧崔嵬。樓觀開。况一澗縈紆。東西水遶。

兩山南北高下雲堆。逋曰不然。暗香浮動。何似孤山先探梅。須晴去。訪稼軒未晚。且此徘徊。

又與郭杲

玉帶銅符。手內青蛇。足下赤龍。擁貂蟬爭出。千官鱗次。貔貅不斷。萬騎蜂從。細柳營開。團花袖窄。人指汾陽郭令公。山西將。算韜鈴有種。五世元戎。陣雲蔽滿寒空。且蹴踘從容。虎帳中。看刀明似月。星辰列。幟箭飛如雨。霹靂鳴弓。威撼邊城。氣吞口虜。慘澹塵沙。吹北風。中興事。仗君王神武。駕馭英雄。

又雙溪狎鷗

盧祖臯

幾葉凋楓。半篙寒日。傍橋繫船。愛洞門深鎖。人間福地。雙溪分占。天上星躔。破帽欹寒。短鞭敲月。此地經行。知幾年。空贏得似沈郎消瘦。還欠詩篇。沙鷗伴我愁眠。向水驛風亭。紅蓼邊。有村醪可飲。且須同醉。溪魚堪鱠。切莫論錢。笠澤陂頭。垂虹亭上。橙蟹肥時。霜滿天。相隨否。算江南江北。惟有君閑。

又丁酉歲感事

陳經國

誰使神州百年沉陸。青氈未還。悵晨星殘月。北州豪

古今詩選 卷十 五 瘦吟樓
傑西風斜日東帝江山劉表坐談深源輕進機會失
之彈指間傷心事是年年冰合在在風寒說和說
戰都難算未必江沱堪宴安歎封侯心在鱣鯨失水
平戎策就虎豹當關渠自無謀事猶可做更剔殘燈
抽劍看麒麟閣豈中興人物不盡儒冠

又 夢方
孚若

劉克莊

何處相逢登寶釵樓訪銅雀臺喚厨人斫就東溟鯨
鱠圍人呈罷西極龍媒天下英雄使君與操餘子誰
堪共酒杯車千兩載燕南代北劍客奇材飲酣臯

息如雷誰信被晨雞輕喚回歎年光過盡功名未立
書生老去機會方來使李將軍遇高皇帝萬戶侯何
足道哉披衣起但淒涼感舊慷慨生哀

又 寄鍾
賢良

我夢見君帶飛霞冠著宮錦袍與牧之高會齊山風
月謫仙同載采石雲濤萬卷星羅千篇電掃不學窮
兒賦楚騷掀髯處有魚龍起舞狐兔悲嗥英雄埋
沒蓬蒿暗摸索當年劉與曹歎事機易失功名難偶
誅茅西崦種秫東臯柵有雞豚庭無羔鴈不是先生

古今詩選
卷一
索價高。人間窄。待相期海上。共摘蟠桃。

又
贈孫季蕃

歲暮天寒。一見飄然。幅巾布裘。儘侵雲鳥道。躋攀絕頂。拍天鯨浸。笑傲中流。疇昔期君。紫髯鐵面。生子當如孫仲謀。誰知道。到中年猶未。建節封侯。南來萬里何求。因感慨喬公成遠游。悵名姬駿馬。都如昨夢。隻雞斗酒。難到新丘。天地無情。功名有數。千古英雄只麼休。平生友。獨羊曇一個。淚灑西州。

又
寄九華葉賢良

一卷陰符。二石硬弓。百斤寶刀。夏玉花驄噴。鳴鞭電抹。烏絲襪展。醉墨龍跳。牛角書生。虬髯豪客。談笑皆從折簡招。依稀記。曾請纓係粵。草檄征遼。當年目視雲霄。誰信道淒涼。今折腰。悵燕然未勒。南歸草草。長安不見。北望迢迢。老去胸中。有些磊塊。歌罷猶須著酒澆。休休也。但帽邊髣髴。鏡裏顏彫。

又
送包尉

我羨君歸。一路秋風。芙蓉木樨。想慈顏望久。靈烏乍噪。新眉畫就。郎馬頻嘶。忙脫春衫。快呼斗酒。細與家

人說建谿情知道。這中年懷抱。生怕分攜。丈夫南北東西。應笑殺離筵粉淚啼。悵佳人來未。碧雲冉冉。王孫去後。芳草萋萋。明日相思。山長水複。古道入稀。茆店雞。元龍老。有高樓百尺。誰共登梯。

又 自述

戴復古

一曲狂歌有百餘言。說盡平生。費十年燈火。讀書讀史。四方奔走。求利求名。蹭蹬歸來。閉門獨坐。贏得窮吟。詩句清。夫詩者。皆吾儂平日。愁歎之聲。空餘豪氣。崢嶸。安得良田二頃。耕向臨邛。滌器可憐。司馬成粒行。開懷抱。有青梅薦酒。綠樹啼鶯。

又 美人
眉

邵亨貞

巧鬪鸞環。纖凝嫵媚。明妝未收。似江亭曉望。遙山拂翠。宮簾暮捲。新月橫鈎。掃黛嫌濃。塗鉛訝淺。能畫張郎不自由。傷春倦。爲皺多無力。翻做嬌羞。填來不。滿橫秋。料著得人間多少愁。記魚箋緘啟。背人偷斂。鴈鈿交併。運指輕柔。有喜先占。長顰難效。柳葉輕黃。今在不。雙尖鎖。試臨鸞一展。依舊風流。

又美人目

漆點填眶。鳳梢侵鬢。天然俊生。記隔花瞥見。疎星炯炯。倚闌凝注。止水盈盈。端正窺簾。膏騰竝枕。睥睨檀郎長是青。端相久待。嫣然一笑。密意將成。困酣曾被鶯驚。強臨鏡按抄。猶未醒。憶帳中親見。似嫌羅密。尊前相顧。翻怕燈明。醉後看承。歌闌鬪弄。幾度孜孜。頻送情難忘處。是鮫綃搵透。別淚雙零。

又題鶯鶯像

楚楚芳姿。誰人扶上。崔孃卷中。恰金蟬委蛻。鬢雲綠

張肯

淺翠蛾出繭。眉黛香濃。待月應真。迎風也似。算只欠墻花一樹紅。千年恨。水流雲散。僧舍蒲東。而今驀地相逢。悄不似當年憔悴容。正章臺雲雨。未絲楊柳。蜀江秋露。初蕊芙蓉。一見魂消。再看腸斷。方信春情屬畫工。元才子。艷詞嬌傳。空費雕蟲。

又送楊叔向

馮琦

君過淮陽。寄問李生。近安樂耶。憶驄馬班中。聽殘禁漏。盧龍塞外。久靜口笳。意本豪華。地偏佳麗。明月高樓十萬家。相逢處。且斟酒蟻。莫問弓蛇。河橋秋色

蒹葭試細話。交游轉自嗟。念我自如鳥。偶來沙際。君還似鴈。又向天涯。非不相留。欲留無計。一片離心對暮鴉。還妬汝。汝同美李。對此瓊花。

又寄內

高啟

憶昔相逢。意氣相期。一何壯哉。擬獻三千牘。叫開漢闕。躡一雙躡。走上燕臺。我勸君酬。君歌我舞。天地疎狂。兩秀才。驚回首。謾十年風月。四海塵埃。摩挲舊劔生苔。歎同掩衡門。盡草萊。視黃金百鎰。已隨手去。素絲幾縷。欲上頭來。莫厭棲棲。但存耿耿。得失區區。

何足哀。心惟願。對尊中酒滿。樹上花開。

又鴈

木落時來。花發時歸。年又一年。記南樓望信。夕陽簾外。西窓驚夢。夜雨燈前。寫月書斜。征霜陣整。橫破瀟湘。萬里天。風吹斷。見兩三低去。似落箏絃。相呼共宿寒煙。想只在蘆花淺水邊。恨嗚嗚戍角。忽催飛起。悠悠漁火。長照愁眠。隴塞間關。江湖冷落。莫戀遺糧。猶在田。須高舉。教弋人空慕。雲海茫然。

又和鄭德章暮春感懷呈石末元帥

劉基

萬里封侯。八珍鼎食。何如故鄉。奈狐狸夜嘯。腥風滿地。蛟螭晝舞。平陸成江。中澤號鴻。苞荆集鵠。輒盡平生鐵石腸。憑闌看。但雲霓明滅。煙草蒼茫。不須踞踞涼涼。算蓋世功名。百戰場。笑楊雄寂寞。劉伶沉湎。稽生縱誕。賀老清狂。江左夷吾。關中宰相。濟弱扶傾。計甚長。桑榆外。有輕陰乍起。未是斜陽。

又

春水

楊基

巴蜀雪消。湘漢冰融。淨無片埃。看風吹皺綠。晴涵杜若。雨添香膩。暖浸莓苔。江漲魚鱗。溪沉燕尾。贏得沙鷗宿鷺。猜花陰下。見行人待渡。芳意徘徊。湖邊十二樓臺。映多少珠簾影倒開。愛綠醅可染。蒲萄新釀。麴塵低蘸。楊柳初栽。修禊人歸。浣紗女去。猶有餘香拂岸來。多情處。汎桃花無數。流出天台。

又

美人
眉

沈鱒

新月留痕。曉山橫黛。宮樣堪傳。想卓女爐邊。依稀嫵媚。唐姬圖裏。彷彿清妍。未語先顰。欲歌還鎖。暗託芳心。十四絃。銷魂處。有鶯黃初柳。臨去雙尖。鸞環自是天然也。贏得風流京兆。憐。更離筵斜倚。輕羅常搵。

午窓倦繡。綵筆重添。鈿小偏青。春深易逗。瞥見閒愁。此際占。征人至。想不須鏡裏待掃燈前。

又
觀潮

吳偉業

八月奔濤。千尺崔嵬。砉然欲驚。似靈妃顧笑。神魚進舞。馮夷擊鼓。白馬來迎。伍相鷗尾。錢王羽箭。怒氣強於十萬兵。崢嶸甚。訝雪山中斷。銀漢西傾。孤舟鐵笛風清。待萬里乘槎。問客星。歎鯨鯢未翦。戈船滿岸。蟾蜍正吐。歌管傾城。狎浪兒童。橫江士女。笑指漁翁一葉輕。誰知道。是觀潮枚叟。論水莊生。

又

讀其年烏絲集 次宋荔裳工
西樵曹顧菴韻 其一 其二

龔鼎孳

煙月江東。文采風流。曠代遇之。恰臨春瓊樹。家稱叔寶。黃初金枕。人是陳思。如此才名。坐君牀上。我拜低頭。竟不辭。多情甚。倩花間錦筆。描畫崔徽。餐霞吐玉霏霏。任拍遍闌干。絕調稀。夏雨鈴風笛。傷心綺麗。雲鬢霧鬢。過眼權奇。簾閣香濃。市樓酒罷。錯落明珠萬斛飛。須記取。有曲江紅袖。圍繞留題。

髯且無歸。縱飲新豐。歌呼拍張。記東都門第。賜書仍在。西州姓字。複辟同藏。萬事滄桑。五陵花月。闌入誰

家俠少場。相憐處。是君袍未錦。我鬢先霜。秋城鼓
角悲涼。暫握手。他鄉似故鄉。况竹林賓從。煙霞接軫。
雲間伯仲。宛雒寒裳。煖玉燕姬。酒錢夜數。綰髻風能
障綠楊。才人福。定清平絲管。爛醉沉香。

又再和其年
其二 其三

君勿過河。濁浪滔滔。魚龍奮揚。乍城頭吹角。秋陰蕭
瑟。橋邊問渡。煙柳冥茫。珠樹三枝。銀缸一穗。醉裏鄉
心低復昂。憑夜話。較青山紫閣。何計爲長。偶然游
戲逢場。有惡客衝泥興也妨。羨人如初日。芙蓉掩映。

門開今雨。裙屐迴翔。此客殊佳。吾衰已甚。安用車輪
更轉腸。相勸取。且酒寬嵇阮。花駐求羊。

文士何如。不數紛紛。材官蹶張。縱通侯祭戟。烏衣零
落。凌雲詞賦。狗監摧藏。清吹西園。錦箏北里。驚座人
來一擅場。還抖擻。儘新沙似雪。古月如霜。哀絲譜
出伊涼。快挾彈鳴鞭。趙李鄉。更雙鬟捧出。春風羌笛。
九天吹下。霧縠霞裳。法護僧彌。紫囊玉塵。大小兒呼
孔與楊。高詠罷。似明珠翠羽。掃後猶香。

又再贈柳敬亭序
見賀新郎闕中

曹貞吉

古今詩選
卷一
驃騎將軍異姓諸侯功名壯哉。乍南樓傳箭。大航風鶴。中流搖櫓。溢浦蒿萊。片語回春。千金逃賞。遮客長刀。玩弄來。堪憐處。有恩門一涕。青史難埋。偶然座上嘲詼。博黃絹新詞七步才。似籌兵北府。碧油晨啟。把碁東閣。屐齒宵陪。春水方生。吾當速去。老子遨遊。頗見哀。相攜手。儘山川。六代簫鼓千杯。

又美人足

梁清標

錦束溫香。羅藏暖玉。行來欲仙。徧簾櫳小立。風吹倒褪。池塘淡竚。苔點輕彈。芳徑無聲。纖塵不動。蕩漾湘

裙月一彎。鞦韆罷。將根兒慢拽。笑倚郎肩。登樓更怕春寒。好愛惜。相偎把握間。想嬌憨欲睡。重纏繡帶。蒙騰未起。半落紅蓮。笋印留痕。凌波助態。款款低回。密意傳。描新樣。似寒梅瘦影。掩映窓前。

又登望湖亭

澗灩湖光。黛染遙山。送目方賒。喜紅亭俯立。一天帆影。白波東去。幾縷殘霞。方寸鄉心。迢遙水驛。愁絕風濤。博望槎。徘徊處。有喧闐列肆。煙火千家。神祠擊鼓鳴笳。想吳楚當年。鬪麗華。任青帘貫酒。醉眠賈舶。

牙檣吹角。驚起棲鴉。橫槊雄才。登樓客况。消盡江頭
野草花。雲煙闊。正臺連蛟蜃。人侶魚蝦。

又

同繆湘芷前輩及王仲
昭諸子看郭園牡丹

宋 琬

惆悵梅花。幾日飄零。青子纍纍。喜盈盈欲笑。洛川游
女。亭亭未嫁。溪畔西施。狡獪東君。揉鉛搓粉。傾國救
成第一枝。端詳處。待綠煙滅後。明月來時。叮嚀再
拜封姨。向錦石雕闌。好護持。羨池邊嬾婉。一雙燕子。
香中眠食。百隊蜂兒。座客皆豪。主人揀醉。爭看山公
倒接羅。重游數。教柴扉休掩。來往無期。

又

程穆倩六十初度作木蘭花慢
自壽中借禽蟲爲喻索題賦此

何以觴君。非狷非狂。石戶之農。夏高懷磊磊。如求旦
鳥。孤踪踽踽。號可憐蟲。六十平頭。自嘲自壽。炙轂雕
龍。總未工。斯人也。信諧方曼倩。癖似張融。寓言十
九朦朧。笑螺贏鷓鴣。趣不同。看華胥世界。魂游燕國。
南柯太守。腹坦槐宮。銅雀崔巍。金貂富貴。烏有先生
亾是公。三杯後。任蠻爭角左。蝨走禪中。

又

題陳其年
烏絲詞

天上張星。游戲人間。我幸見之。羨高陽里第。門纔旋

馬西園公子。賦必探驪。八斗才華。五陵逸氣。蓋白爭傳絕妙辭。旗亭上。有諸伶按拍。玉笛金徽。奚囊白雪霏霏。信此曲從來和者稀。似秦郵太史。風流旖旎。渭南老子。渾脫雄奇。揚子濤深。洞庭月冷。應有魚龍駭且飛。觀止矣。待曹王敵手。險韻重題。

又

題陳螯菴三
一一三圖

所謂伊人。玉貌頎然。碧瞳紫髯。羨荷衣蕙帶。五陵公子。黃冠葛屨。丈室瞿曇。鶴立仙姿。虎頭妙筆。頰上添毫。一二三。叅同契。任洪崖把臂。彌勒同龕。飄蕭素

髮鬖鬖。似柱下猶龍。問老聃。向世出世間。先窺太極。用無用處。椎破連環。形影交忘。畫圖三昧。白板枯禪。不待叅。從君老。願擔簦五嶽。結制精藍。

又

送孫無言
歸黃山

鎮日思歸。臨水登山。云口不歸。羨君誠高士。堪五湖長。予其逋客。愧北山移。結遍賢豪。厭聞歌管。十載揚州夢已非。家何在。有珠簾雲海。雪竇煙扉。年年車馬透遲。空折盡隋隄柳幾枝。笑故園三徑。桂蘭頻老。層巒萬壘。猿鶴長啼。或問先生。笑而不答。待滿詞人

餞別詩。真歸矣。任山靈見誚。百罰奚辭。

又

張黃門救菴招飲
郊園感舊而作

把酒花前。俛仰乾坤。猶剩吾曹。憶西清奉引。曾陪汲黯。南冠憔悴。同祭臯陶。諫草空焚。釣竿長把。三徑荒蕪。仲蔚蒿長。安道歎東門黃犬。幾度悲號。于今華髮蕭蕭。但痛飲狂歌。興未消。向蓮社叅禪。無人能解。醉鄉娛老。有託而逃。白眼看他。飛揚跋扈。螺贏螟蛉之二豪。三年後。問兩家兒子。誰似枚臯。

又

題孫坦夫
想想園

烏有園林。幻耶真耶。其如墨莊。問陳家結綺。空餘管井。隋宮錦樹。但有垂楊。孝子追思。悲深肯構。杖履依稀。不暫忘。歸來夢。在閭風之圃。廣漠之鄉。誰言大壑舟藏。况電馬飈車。鮮定方。譬生前嗜芟。無忘屈到。沒而尸祝。不替庚桑。神所馮依。精魂來往。月榭風軒。白石牀。真佳話。似桃源雞犬。未是荒唐。

又

爾斐見和
用韻再酬

曹爾堪

瓶凍知寒。擁褐挑燈。夜吼狂風。歎曰。為改歲。三星在留。我來自北。零雨其濛。白袷逃名。綠簑垂釣。伍子橋

南角里東。雄心在。記射雕沒羽。上谷雲中。十年漆
沮之從。牛馬走。羞稱太史公。想蘇卿窖底。往還惟鴈。
管寧陌上。腹尾皆龍。遷謫驚魂。揩磨老眼。別墅尋花
尚可同。消殘曆。看故園報賽。暫閣游筇。

又

讀陳其年烏
絲詞賦寄

王士祿

屈指詞人。咄咄惟髯。跋扈飛揚。似波寒竟去。衣冠颯
颯。燭昏欲醉。履舄茫茫。紅豆筵中。白楊齋外。哀艷無
端互激昂。憑人道。是秋墳唱苦。子夜歌長。廿年落
拓名場。便歷落嶽崎也。未妨看。襴衡單絞。搥聲慷慨。

陳王芋蔗。舞態迴翔。兒女情深。風雲氣在。同此牢愁
一寸腸。君毋讓。信黠如顧虎。狂比袁羊。

又

反止
酒

尤侗

陸醕前來。枚卜功臣。衆口交推。彼從事齊州。清為聖
德。督郵鬲縣。濁亦賢才。堯舜千鍾。仲尼百斛。子路寧
辭十榼陪。髡一石。夏先生五斗。學士三杯。嘗聞上
頓長齋。即乘馬騎驢。事盡佳。况卓家少婦。為君滌器。
揚家妃子。為我持壘。山帶蘭陵水。連桑落。麴部分茅
議允諧。咨汝醕。俾侯醴。泉郡曰往欽哉。

辛稼軒有止酒詞然
吾輩酒狂也又當此

時此中雅宜此君豈忍囚酒
星于天獄焚醉月于秦坑哉

又 悲秋

黃 永

宋玉言之。春女多思。秋士多悲。况零風細雨。乍停還
續。蛩聲鴈影。到處相隨。四壁蕭蕭。孤燈落落。縱有高
懷。那處開。除非是。且登山涉水。打馬飛杯。醉時屢
舞。回回看雲氣漫空。白日頽。似江魂銷罷。黯然欲別。
潘愁盡處。如送將歸。人事蕭條。天公做作。長笑微吟。
淚暗垂。還自問。這黃花紅葉。干汝誰來。

又 偶興
和韻

何必吾廬。春席雲阿。秋陟霞岡。且可否之間。不夷不
惠。中行豈敢。疑狷疑狂。白眼看他。青山知我。慢世居
然。入世方休。再道曾封侯萬戶。昔遇高皇。閒來濯
足滄浪。又種竹千枝。木幾章。愧能酒能詩。劉伶李白。
亦經亦史。司馬公羊。蟻穴逍遙。蝸頭笑傲。也算生平
意氣場。從今日。惟醉餘一夢。老矣吾鄉。

又 偶興
阮亭韻 和

鄒祇謨

我欲從之。置酒西園。較射南岡。只撚鬚搖膝。人稱慧
業。蓬頭散髮。自許清狂。跛脚北窓。行吟東郭。男子何

須志四方。逍遙處。問眼前悲喜。何必張皇。怕教鬢
髮蒼浪。且隨分新詞賦幾章。便支硎山內。談莊放鶴。
金華道上。叱石成羊。靈運生天。淮南好道。天地梨園
一戲場。他年志待布黃金地。求白雲鄉。

又美人
鼻

董以寧

閒際相看。見他梨頰。玉準停勻。料楚國夫人。掩來定
妬。宜城公主。見後應嗔。花氣嗅來。歌聲收入。蘊得風
前無限春。迴頭處。又一鈎斜見。半面平分。不因口
過逡巡。願指向明河索問津。想微亞風櫃。侵寒欲嚏。

潛攜月幌。屏息無聞。素手輕按。薄巾微掩。曾惱蕭郎
被酒醺。傷心處。更有時酸甚。悶把香熏。歐公詩旁有梨頰生
微渦。楚國夫人用

鄭袖教歌人掩鼻事。唐
宜城主劓駙馬寵人鼻

又美人
齒

看去纖勻。生成伶俐。掩映偏宜。念襯處。參紅榴。編細
貝。露時凝素。瓠剖明犀。刷後留芬。談餘剩慧。啟向風
前一笑遲。曾徵倖。有姓名輕掛。何福消伊。問來年
紀應知。每剔罷。沉思叩欲低。更吟費推敲。咬鬆魏管。
繡商深淺。嚼爛絨絲。漱石應同。拈梅欲冷。難畫楊妃

病抵時銷魂處。向檀郎戲嚙印臂痕微。

古詩齒冷越梅酸
畫譜有楊妃病齒圖

又美人乳

拊手應留當胸小染。兩點魂銷。訝素影微籠。雪堆姑射。紫尖輕暈。露滴葡萄。漫說酥凝。休誇菽發。玉潤珠圓。此更饒。開襟處。正粉香欲籍。花氣難消。當年初捲芳髻。奈墳起逾豐。漸欲高。見浴罷銅窪。羅巾掩早。圍來繡袜。錦帶拴牢。逗向瓜期。褪將裙底。天壤何人吮似醪。幽歡再為嬌兒拋下。濕透重綃。

楊妃裙腰褪露一乳
祿山云軟温新刺雞

頭肉膩滑凝來塞上酥 又祿山醉傷楊妃古
宮妝裙束乳上也 漢雜事秘辛胸乳菽發

又美人膝

搖動衣紋。蹴開裙袂。似鶴仙仙。正藕覆交籠。垂過素筓。花茵盤坐。加上紅蓮。蜀國琴橫。華山錦蔽。補屋纔容也。自妍。還堪覩。為勝常數。四宛曲遷延。有時畫擁牀邊。好一任蕭郎。做枕眠。更愛欲頻登。促來綺席。愁教獨抱。閣盡吟牋。誓月幽窓。拈花法座。屈向嚮輪。軟可憐。如今見有阿侯。旋繞長在伊前。

楊妃膝衣名藕覆古
膝衣在膝上也 華

山畿女有錦蔽膝在席下 又唐詩云半睡起來思舊夢見人忘却道勝常注
云即今萬福也 古語愛人欲登膝 又古樂府盧家少婦名莫愁十六生兒
字阿侯

古今詞選卷十終



